


25 - YALIYO BORA ZAIDI YANAKUJA!



1

Mbingu ni Hakika



2

Kisa kinaelezwa cha msichana mdogo aliyeishi katika jiji maisha yake yote. Kwa sababu ya nuru ya taa za jiji ambayo ilianguza anga, hakupata kuwa na wasaa wa kuona nyota.

Wakati mmoja wa kianguzi mama yake alimchukua kwa likizo hadi sehemu ya mashambani.



3

Jioni baada ya jua kutua, nyota ziling'aa kama almasi katika anga usiku. Huyu msichana mdogo alitizama juu na kushangaa. Uzuri wa mng'ao wa anga lililojaa nyota zilizosambaa ulimmaliza nguvu.

Alisema kwa mshangao, Ah, mama, kama mbingu hii ni nzuri hivi katika sehemu hii mbaya, ikoje katika sehemu nzuri?



4

Somo la mbingu limekamata mawazo ya wanaume na wanawake katika dunia nzima kwa karne nyingi. Je, mbingu ikoje kwa kweli?

Je, ipo kweli?

Kama ndivyo, iko wapi, na ikoje huko ilipo?



5

Baadhi ya watu hawaamini katika mbingu. Wengine husema ziko mbingu tatu, au hata saba. Baadhi husema unakwenda mbinguni unapokufa.



6

Baadhi husema la, unakwenda mahali paitwapo pagatori kwanza, kisha labda mbinguni baadaye.



7

Baadhi husema mbingu si mahali halisi, lakini ni ile tu hali ya mawazo.

25 - YALIYO BORA ZAIDI YANAKUJA!



8

Wapo wale waaminio ya kwamba hatimaye, kila mtu atafika mbinguni. Baadhi husema watu wachache sana watafaulu kufika pale. Mchanganyiko mwingi sana! Maoni mengi sana!



9

Kwa nini yawepo maoni tofauti tofauti mengi hivi kuhusu mbingu?
Kwa nini maoni yawe na tofauti nyingi hivi na dhana zote hizi wakati Biblia inalifanya neno hili kuwa wazi kabisa?



10

Kwa kweli, je, wajua ya kwamba Biblia imejaza maelezo ya ndani kabisa juu ya mbingu?
Mungu anatutaka tujue jinsi mbingu ilivyo ili tukusudie kuwa pale!
Mbinguni si mahali pa siri ambapo Mungu anatuficha tusipajue.



11

Katika majengo mengi makubwa, kuna ufunguo unaofaa kufungulia kila kufuli au kitasa cha kila mlango.



12

Mwenye jengo anayo funguo iitwayo funguo kuu. Funguo ile moja inafaa kwa milango yote.



13

Mungu anao ufunguo mkuu ufunguao siri na mafumbo juu ya mbinguni, na ufunguo huo mkuu ni Biblia-- chanzo chetu kikuu cha taarifa.
Ni jambo la kupendeza ya kwamba hatuhitaji kutegemea dhana za kibinadamu au maoni yao. Hatuhitaji kuchanganyikiwa juu ya ukweli halisi uanaohusu mbingu.



14

Mtume Petro aliandika juu ya chanzo hiki muhimu cha taarifa.


25 - YALIYO BORA ZAIDI YANAKUJA!



15

(Fungu: 2 Petro 1:19)

Nasi tunalo lile neno la unabii lililo imara zaidi, ambalo, mkiliangalia, kama taa ing'aayo mahali penye giza, mwafanya vyema,



16

mpaka kutakapopambazuka na nyota ya asubuhi kuzuka mioyoni mwenu.
2 Petro 1:19.



17

Mungu amefunua katika neno lake:
Mahali Mbinguni palipo
Jinsi mbinguni patakavyokuwa
Mahali makao makuu yatakapokuwa
Mambo watu watakayoyafanya pale
Jinsi watu watakavyokuwa pale
Mahali watakaookolewa watakapoishi
Jinsi Jiji la Makao makuu litakavyoonekana



18

Sasa hebu na tuchukue ufunguo mkuu wa Mungu - Biblia, na tugundue wakati halisi ujao ambao Mungu ameuandaa kwa ajili ya watu wake.



19

Katika kitabu cha mwisho cha Biblia, Ufunuo, Mungu Mwenyewe alifunua kwa Yohana picha ya wakati ujao.
Yohana anaeleza alichokiona:



20

(Fungu: Ufunuo 21:1,2)

Kisha nikaona mbingu mpya na nchi mpya; kwa maana mbingu za kwanza na nchi ya kwanza zimekwisha kupita,



21

Wala hapana bahari tena.

25 - YALIYO BORA ZAIDI YANAKUJA!

25 - YALIYO BORA ZAIDI YANAKUJA!



22

Nami nikauona mji ule mtakatifu,
Yerusalemu mpya, ukishuka kutoka mbinguni kwa
Mungu,



23

umewekwa tayari, kama bibi-arusi aliyekwisha
kupambwa kwa mumewe.
Ufunuo 21:1,2.



24

Mandhari chache huwakilisha furaha na uzuri kama
wa bibi-arusi ajiandaaye kwa siku yake ya arusi!



25

Hapa nyumbani mbinguni siyo kitu tu ambacho
Yohana peke yake alikiona - manabii wote wa Mungu
katika vizazi vyote wamekuwa wakijua kupahusu.
Sikiliza:



26

(Fungu: Matendo 3:20, 21)
Apate kumtuma Kristo Yesu mliyewekewa tangu
zamani;



27

ambaye ilimpasa kupokewa mbinguni hata zije
zamani za kufanywa upya vitu vyote,



28

zilizonenwa na Mungu kwa kinywa cha manabii
wake watakatifu tokea mwanzo wa ulimwengu.
Matendo 3:20,21.

25 - YALIYO BORA ZAIDI YANAKUJA!



29

NI VITU GANI AMBAVYO MUNGU ATAVIFANYA UPYA?


Mungu atafanya upya kila kitu ambacho Adamu na Hawa walipoteza!

Dunia ilitoka mikononi mwa Muumbaji ikiwa na utukufu na ukamilifu, ikiwa nzuri zaidi ya maelezo.



30

Muumbaji mwenyewe alikuwa ameisanii na kuiremba nyumba ya Adamu na Hawa, Bustani ya Edeni, paradiso. Mungu alikuwa amewapatia utawala hapa duniani.



31

Walikuwa na afya kamili, upendo, furaha, shangwe, na ushirika wa uso kwa uso na Mungu. Kila kitu kilikuwa ni amani na shwari. Wasingeliugua wala kufa kamwe kama wangelichagua kutii maelekezo ya Mungu.



32

Na maelekezo yake yalikuwa: Msile katika mti uliopigwa marufuku katika Bustani ya Edeni, mkifanya hivyo mtakufa.



33

Lakini walichagua kula katika mti ule. Walimsikiliza malaika muasi katili na mdanganyifu, aliyeitwa Shetani badala ya kumsikiliza Mungu mwenye upendo na mwenye kujali.



34

Baadaye, kwa mara ya kwanza katika maisha yao, walijisikia kuwa na hatia, wenye aibu, na wenye hofu.

Ilikuwa siku ya msiba kuliko zote katika historia ya Sayari Dunia.

Kwa kutotii kwao, walipoteza kila kitu: nyumba yao ya bustanini, utawala wao wa Dunia, na ruhusa ya kula katika Mti wa Uzima.


Kwa kutoweza kula katika Mti wa Uzima, ni hakika wangekufa.

25 - YALIYO BORA ZAIDI YANAKUJA!




35

Hawakuweza tena kuwa na uzima wa milele.
Furaha yao, upendo wao, ushirika wao na Muumbaji vingeisha.
Dunia yetu iliyokuwa kamili ikaharibiwa na laana ya dhambi.
Dunia ikawa mahali pa huzuni na taabu, mahali pa maradhi na mauti.
Wakiwa si wakuu tena, Adamu na Hawa wakawa watumwa.



36

(Fungu: Warumi 6:16)
Paulo anasema, Hamjui ya kuwa kwake yeye ambaye mnajitoa nafsi zenu kuwa watumwa wake katika kumtii,



37

mmekuwa watumwa wake yule mnayemtii....
Warumi 6:16.
Lakini, Mungu anayependa na kujali alielewa.
Joka alikuwa amemdanganya Adamu na Hawa.
Mungu aliwapenda sana hakuweza kuwaacha watoto wake waliokosa bila tumaini.



38

Katika malango ya bustani, Mungu alimuahidi Adamu na Hawa ya kwamba siku moja Mwana Wake, Mbegu ya Mwanamke, angekuja na kufa kwa ajili yao ili wapate kurejeshwa katika Familia ya Mungu na kuwa na uzima wa milele.



39


(Fungu: Mwanzo 3:15)
Nami nitaweka uadui kati yako na huyo mwanamke, na kati ya uzao wako na uzao wake;



40


huo utakuponda kichwa, na wewe utamponda kisigino. Mwanzo 3:15.

25 - YALIYO BORA ZAIDI YANAKUJA!



41

Kadri vizazi vilivyopita na watu walivyoziidi duniani, dhambi pia ilizidi. Mwanadamu alikuwa hata amekaribia kumsahau Mungu na ahadi yake.



42

(Fungu: Mwanzo 6:5)

Watu wakawa waovu na wenye tabia mbaya na BWANA akaona ya kuwa maovu ya mwanadamu ni makubwa duniani



43

na kwamba kila kusudi analowaza moyoni mwake ni baya tu siku zote. Mwanzo 6:5.



44

Hatimaye ikawa muhimu kwa Mungu kuwaangamiza waovu katika Gharika Kuu ili kudumisha uhai duniani.

Watu wanane peke yake walipona!

Baada ya Gharika Kuu, havikuwa vizazi vingi kabla watu hawajawa waovu tena.



45

Ili kutunza watu watakatifu hapa duniani, Mungu alimuita Ibrahimu na familia yake toka kwa Uru ya Wakaldayo iliyokuwa na ibada ya sanamu na uovu. Familia yake bila shaka ingekuwa ovu pia kama ingesalia pale katika lile jiji.



46

(Fungu: Mwanzo 12:1,2)

Bwana alimwambia Ibrahimu, Toka wewe katika nchi yako, uende mpaka nchi nitakayokuonyesha;



47

nami nitakufanya wewe kuwa taifa kubwa, na kukubariki, na kulikuza jina lako; nawe uwe baraka. Mwanzo 12:1,2.

25 - YALIYO BORA ZAIDI YANAKUJA!



48

Ibrahimu alikuwa tayari kuacha starehe ya nyumba yake ya Kikaldayo. Hakujua alipokuwa akienda, lakini alikuwa na fununu kidogo ya kile Mungu alichokuwa nacho kwa ajili yake.



49

(Fungu: Waebrania 11:9,10)

Kwa imani alikaa ugenini katika ile nchi ya ahadi, kama katika nchi isiyo yake,



50

akikaa katika hema pamoja na Isaka na Yakobo, warithi pamoja naye wa ahadi ile ile.



51

Maana alikuwa akiutazamia mji wenye misingi, ambao mwenye kuubuni na kuujenga ni Mungu. Waebrania 11:9, 10.


Mungu aliahidi kumpatia Ibrahimu na watoto wake yote ambayo Adamu na Hawa walikuwa wamepoteza.



52

Manabii wa vizazi vyote waliamini na kuutazamia wakati wa kufanywa upya vitu vyote.

Mungu anaorodhesha baadhi ya walio kwenye Ukumbi wa Imani katika Biblia katika



53

Waebrania, sura ya 11. Ibrahimu, Henoko, Nuhu, Habili, Isaka, Rahabu, Daudi, na Samweli ni baadhi tu ya watu wakuu wa imani walioamini katika ahadi ya Mungu ya kurejesha kile Adamu na Hawa walichopoteza. Tambua jinsi Biblia isemavyo kuhusu mashujaa hawa:



54

(Fungu: Waebrania 11:13,16)

Hawa wote wakafa katika imani, wasijazipokea zile ahadi, bali wakazona tokea mbali na kuzishangilia, na kukiri.....

25 - YALIYO BORA ZAIDI YANAKUJA!



55

Lakini sasa waitamani nchi iliyo bora, yaani, ya mbinguni. Kwa hiyo Mungu haoni haya kuitwa Mungu wao;



56

maana amewatengenezea mji. Waebrania 11:13,16.



57

Isaya, nabii mkuu kabisa kati ya manabii wote wamtabirio Masihi, anatupatia maelezo ya kuisimua juu ya marejesho ambayo Mungu ameandaa, Hebu tutizame mambo ambayo Mungu alimfunulia Isaya:



58

(Fungu: Isaya 65:17)
Maana, tazama, mimi naumba mbingu mpya na nchi mpya;



59

na mambo ya kwanza hayatakumbukwa, wala hayataingia moyoni.
Isaya 65:17.



60

(Fungu: Isaya 60:18)
Na tena: Jeuri haitasikiwa tena katika nchi yako, Ukiwa na uharibifu hazitakuwa mipakani mwako;



61

Bali utaziita kuta zako, Wokovu, na malango yako, Sifa.
Isaya 60:18.

25 - YALIYO BORA ZAIDI YANAKUJA!

25 - YALIYO BORA ZAIDI YANAKUJA!



62

Hebu fikiria - HAKUNA ujeuri pale! Ni amani tu na mapatano!

Je, hilo siyo jambo la AJABU kuliwaza?

Hakuna hitaji pale la kupata silaha ili kututetea na kujilinda sisi wenyewe.

Hakuna wabakaji wala wevi!

Na je, haitakuwa ajabu kutembea katika ile mitaa ya dhahabu na bila kuwa na wasiwasi juu ya kuvamiwa au kunyang'anywa?

Lakini hilo siyo yote ambayo nabii aweza kutuambia. Sikiliza:



63

(Fungu: Isaya 11:6)

Mbwa-mwitu atakaa pamoja na mwana-kondoo, na chui atalala pamoja na mwana mbuzi.....



64

na mtoto mdogo atawaongoza.
Isaya 11:6.



65

Sasa hebu sikiliza kwa kile Biblia ikisemacho juu ya Sayari Dunia wakati ikiwa imerejeshwa katika uzuri wake wa awali:



66

(Fungu: Isaya 33:24)

Wala hapana mwenyeji atakayesema, 'Mimi mgonjwa'....

Isaya 33:24.

Hakuna magonjwa ya moyo, hakuna sarakani, hakuna maradhi yatokanayo na kutopatana na vitu ama vyakula fulani- yaani afya kamili milele! Je, hiyo si habari njema?

25 - YALIYO BORA ZAIDI YANAKUJA!



67

(Fungu: Isaya 35:5)

Ndipo macho ya vipofu yatafumbuliwa....

Isaya 35:5.

Bila ya shaka jambo la kwanza aliyekuwa kipofu atakalotaka kuliona litakuwa uso wa Yesu!

Ah, itakuwa siku ya utukufu kiasi gani kwa wale waliokuwa vipofu!



68

(Fungu: Isaya 35:5,6)

....Masikio ya viziwi yatazibuliwa. Isaya 35:5.



69

Ndipo mtu aliye kilema ataruka-ruka kama kulungu... Isaya 35:6.

Hakuna tena viti vyenye gurudumu vya walemavu!

Hakuna tena mikongojo ya kwapani ! Kila mmoja atakuwa na mwili usio na dosari.



70

(Fungu: Isaya 35:6)

.....na ulimi wake aliye bubu utaimba: Isaya 35:6. Si tu kwamba watazungumza, bali wataimba!

Itakuwa siku ya furaha kiasi gani!

Lakini kuna habari ya ajabu zaidi!



71

(Fungu: Isaya 35:1)

Nyika na mahali palipo ukiwa patafurahi; jangwa litashangilia na kuchanua maua kama waridi. Isaya 35:1.

Nchi mpya itakuwa mahali pazuri kiasi gani!



72

(Fungu: Isaya 65:21,22)

Nao watajenga nyumba, na kukaa ndani yake;

watapanda mizabibu na kula matunda yake,



73

Hawatajenga akakaa mtu mwingine ndani

yake; hawatapanda, akala mtu mwingine;

25 - YALIYO BORA ZAIDI YANAKUJA!



74

Maana kama siku za mti ndivyo zitakavyokuwa siku za watu wangu, na wateule wangu wataifurahia kazi ya mikono yao muda wa siku nyingi.
Isaya 65:21,22.



75

Inaonekana dhahiri kwamba mbinguni patakuwa mahali halisi na watu halisi wakitenda mambo halisi, sivyo?

Kwa kweli, tutakuwa na majina yetu wenyewe, na watu watatujua!



76

(Fungu: Isaya 66:22,23)

'Kama vile mbingu mpya na nchi mpya, nitakazofanya, zitakavyokaa mbele zangu, asema BWANA,



77

ndivyo uzao wenu na jina lenu litakavyokaa.'
Isaya 66:22.



78

'Na itakuwa, mwezi mpya hata mwezi mpya, na sabato hata sabato,



79

wanadamu wote watakuja kuabudu mbele zangu,' asema BWANA.

Isaya 66:23.

Nchi mpya patakuwa ni mahali pa furaha, mahali pa shangwe, kwa ajili ya Mungu na watu wake.



80

(Fungu: Isaya 35:10)

Na hao waliokombolewa na BWANA watarudi, watafika sayuni wakiimba;

25 - YALIYO BORA ZAIDI YANAKUJA!



81

na furaha ya milele itakuwa juu ya vichwa vyao; nao watapata kicheko na furaha, huzuni na kuugua zitakimbia. Isaya 35:10. Je, hili halionekani kusiona?



82

Itakuwa ni sherehe ya shangwe, ajabu wakati waliookolewa kila mmoja wao akija kila Sabato kwenye Jiji takatifu kusifu na kuimba na kuwa na ushirika huu mzuri.



83

Yesu alisema anatumjengea kila mmoja wetu jumba. Tutafurahia hilo, lakini Isaya pia alisema sisi pia tutajenga nyumba!

Naam, inaonekana kama labda tutakuwa na nyumba ya mashambani ambayo tutajenga sisi wenyewe, na kisha kila mwishoni mwa juma tutakwenda makao makuu ya Nchi Mpya na kutumia majumba yetu katika jiji.



84

Picha ya mbinguni iliyopo katika Biblia i wazi. Mungu ataumba mbingu mpya na nchi mpya. Jiji Takatifu, Yerusalemu Mpya, litashuka toka kwa Mungu toka mbinguni.

Dunia, sayari hii ambayo sasa i katika uasi, iliyoanguka katika dhambi, itakuwa makao makuu ya ulimwengu wote.

Yaweza kukushangaza, lakini dunia hii itakuwa ni nyumbani kwa watakaokolewa. Yesu alilisema hivi.



85

(Fungu: Mathayo 5:5)

Heri wenye upole; maana hao watairithi nchi. Mathayo 5:5.

Mungu atairejesha Sayari Dunia katika hali yake ya awali ya ukamilifu, na itakuwa Nchi Mpya yenye utukufu kiasi gani!



86

Pengine waweza kumbuka ahadi za ajabu alizozitoa Yesu kwa wanafunzi na wafuasi wake wa karne zote kabla hajarejea mbinguni:

25 - YALIYO BORA ZAIDI YANAKUJA!



87

(Fungu: Yohana 14:1-3)

Msifadhaike mioyoni mwenu; mnamwamini Mungu, niaminini na mimi.



88

Nyumbani mwa Baba yangu mna makao mengi; kama sivyo, ningaliwaambia...



89

Basi mimi nikienda na kuwaandalia mahali, nitakuja tena niwakaribishe kwangu;



90

ili nilipo mimi, nanyi muwepo.
Yohana 14:1-3.



91

(Fungu: Mathayo 6:9,10)

Sala kielelezo ambayo Yesu aliwafundisha wanafunzi wake inasema, Ufalme wako uje, Mapenzi yako yatimizwe, hapa duniani kama huko mbinguni.

Mathayo 6:10.

Hapa tunaona ya kwamba Yesu anatuuliza tusali kwa ajili ya kurejeshwa kwa mambo yote.



92

Sasa, hebu na tufikirie kwa undani zaidi jiji kubwa ambalo Yohana aliliona katika njozi katika kisiwa cha Patmo. Yaonekana kama vile nabii alikuwa na wakati mgumu kupata maneno ya kueleza uzuri na ufahari wa Jiji Takatifu. Biblia yasema kwamba:



93

(Fungu: 1 Wakorintho 2:9)

....Mambo ambayo jicho halikuyaona wala sikio halikuyasikia, (wala hayakuingia katika moyo wa mwanadamu,)

25 - YALIYO BORA ZAIDI YANAKUJA!



94

Mambo ambayo Mungu aliwaandalia wampendao.
1 Wakorintho 2:9.
Lakini hebu ngoja kidogo.
Watu wengi hushindwa kusoma fungu linalofuata lisemalo,



95

(Fungu: 1 Wakorintho 2:10)
Lakini Mungu ametufunulia sisi kwa Roho. ...



96

Unaona? Mungu amefunua mambo haya kwa Roho Mtakatifu aliyewaambia manabii, walioyaandika haya kwa ajili yetu.
Bila ya shaka, nusu haijaelezwa!




97

Marafiki, hivyo ndivyo ilivyokuwa kwa Yohana na Isaya na manabii wote.
Ndiyo kweli yote-- na nusu haijaelezwa!
Wakati Yohana anapofungua undani wa Jiji Takatifu, inaonekana kama hekaya tu.
Lakini tunalo Neno la Mungu juu ya hilo! Haya ndiyo aliyoyaona Yohana.




98

Yohana alisema aliona mbingu mpya na nchi mpya, na kwamba hapakuwa na bahari tena.
Kisha akaona Jiji Takatifu likishuka toka mbinguni.
Ndipo anatuambia yote juu ya Jiji:



99

(Fungu: Ufunuo 21:1-3, 11, 17,21)
Kisha nikaona mbingu mpya na nchi mpya; kwa maana mbingu za kwanza na nchi ya kwanza zimekwisha kupita, wala hapana bahari tena. Ufunuo 21:1.



100


Nami nikauona mji ule mtakatifu, Yerusalemu mpya, ukishuka kutoka mbinguni kwa Mungu, umewekwa tayari, kama bibi-arusi aliyekwisha kupambwa kwa mumewe. Ufunuo 21:2.

25 - YALIYO BORA ZAIDI YANAKUJA!




101

Nikasikia sauti kubwa kutoka katika kile kiti cha enzi ikisema, 'Tazama, maskani ya Mungu ni pamoja na wanadamu,




102

naye atafanya maskani yake pamoja nao, nao watakuwa watu wake. Naye mwenyewe, Mungu pamoja nao, atakuwa Mungu wao.'
Ufunuo 21:3.



103

.....mwangaza wake ulikuwa mfano wa kito cha thamani nyingi kama kito cha yaspi, safi kama bilauri.
Ufunuo 21:11.



104

Akaupima ukuta wake, ukapata dhiraia mia na arobaini na nne [mita 66]..... (Fungu la 17).



105

Na ile milango kumi na miwili ni lulu kumi na mbili..... (Fungu la 21)
Kumbe yapo malango ya lulu!



106

(Fungu: Ufunuo 21:12,21,23)
...ukuta mkubwa, mrefu,...na majina yameandikwa ambayo ni majina ya kabila kumi na mbili za Waisraeli. (Fungu la 12).



107

...Na njia ya mji ni dhahabu safi kama kioo kiangavu. (Fungu la 21).



108

Na mji ule hauhitaji jua wala mwezi kuuangaza, kwa maana utukufu wa Mungu huotia nuru, na taa yake ni Mwana-Kondoo.
(Fungu la 23).

25 - YALIYO BORA ZAIDI YANAKUJA!



109

(Fungu: Ufunuo 22:1,2,5)
...mto wa maji ya uzima, wenye kung'aa kama bilauri, ukitoka katika kiti cha enzi cha Mungu na cha Mwana-Kondoo.



110

.....Na upande huu na upande huu wa ule mto, ulikuwapo mti wa uzima, uzaao matunda yake kila mwezi;



111

Wala hapatakuwa na usiku tena;... Uf. 22:5
Kiti cha enzi cha Mungu na cha Mwana-Kondoo kitakuwa katika makao makuu - Yerusalemu mpya.




112

(Fungu: Ufunuo 22:3)
Wala hapatakuwa na laana yoyote tena. Na kiti cha enzi cha Mungu na cha Mwana-Kondoo kitakuwamo ndani yake.... Ufu. 22:3.
Na moja ya zawadi za ajabu zaidi inapatikana katika Ufunuo 21:4:



113

(Fungu: Ufunuo 21:4)
Naye atafuta kila chozi katika macho yao, wala mauti haitakuwapo tena; wala maombolezo,



114

wala kilio, wala maumivu hayatakuwapo tena; kwa kuwa mambo ya kwanza yamekwisha kupita. Ufunuo 21:4.
Pengine unashangaa ya kwamba ukubwa wa Jiji Takatifu utakuwaje.



115

(Fungu: Ufunuo 21:16)
Yohana anaeleza undani halisi wa ukubwa wa jiji: Na ule mji ni wa mraba, na marefu yake sawasawa na mapana yake.

25 - YALIYO BORA ZAIDI YANAKUJA!



116

Akaupima mji kwa ule mwanzil; ulikuwa kama maili elfu na mia tano;.....
Ufunuo 21:16.



117

[Maili tano ni sawa na kilomita nane kwa hiyo maili 1,500 za mraba ni sawa na kilomita 2,400 mraba].

Majiji ya kale yalikuwa yakipimwa kwa umbali wa mzunguko wa nje wa kuta zake.

Hivyo jiji lingekuwa takriban Km 600 au maili 375 kila upande.

Na pengine unashangaa kama jiji hili litakuwa la kutosha kwa watakaookolewa.



118

Jiji la Tokyo lina wakazi takriban milioni 35 waishio katika jiji hili.



119

Sehemu Kuu ya Jiji la New York ina tunza wakazi milioni 20.



120

Seoul (Korea) na Jiji la Mexico pia yana karibu ya watu milioni 20 kila moja.



121

Mwana mahesabu mmoja amekadiria ya kwamba Yerusalemu Mpya, hata hivyo, yaweza kutunza wakazi bilioni mbili!

Kwa maneno mengine, kutakuwa na nafasi kwa kila atakayetaka kuwa pale.

Lakini ni kitu gani kitakachotushughulisha katika mahali pa ajabu kiasi hicho?

25 - YALIYO BORA ZAIDI YANAKUJA!



122

Bila uhalifu, wala maradhi, bila njaa au ugonjwa--
amani tu na mapatano milele!
Inaonekana kama tutaweza kutenda mambo mengi
sana: Kujenga nyumba mashambani kulingana na
ndoto zetu, kupanda bustani yetu wenyewe.



123

Yesu, Muumbaji, atakuwa pale kutufungulia
mafumbo ya Uumbaji.
Daima tutakuwa tukijifunza mambo mapya.
Tutaweza kusafiri wakati wowote tupendao.



124

Tutakua na wasaa wa kuwa na marafiki zetu na wale
tuwapendao.
Na kila Sabato tutakuwa tukimsifu Mungu na
tukiimba pamoja na malaika na Yesu -- wakati wetu
wa pekee wa kushiriki pamoja na Bwana wetu.
Ndiyo, waweza kuuliza, Twawezaje kuwa na uhakika
ya kwamba tutakuwa pale?
Jibu ni rahisi.
Biblia, ufunguo wetu mkuu, yasema:



125

(Fungu: Wagalatia 3:29)
Na kama ninyi ni wa Kristo, basi mmekuwa
uzao wa Ibrahimu, na warithi sawasawa
na ahadi.
Wagalatia 3:29.



126

Kwa maneno mengine, ukimkubali Yesu kama
Mwokozi wako ahadi ambayo Mungu alimpa
Ibrahimu ni yako pia.
Tunapojifunza Biblia, inapendeza kutambua ya
kwamba



127

Sura tatu za awali zinaeleza jinsi Mungu alivyoiumba
dunia na nyumba ya Adamu na Hawa iliyokuwa
kama paradiso. Lakini Adamu na Hawa wakapoteza
vyote.

25 - YALIYO BORA ZAIDI YANAKUJA!



128

Sura tatu za mwisho za Biblia zinatupatia picha kabla haijatokea ya mpango wa Mungu wa kurejesha kile Adamu na Hawa walichopoteza- kesho yenye kupendeza ambapo ndoto zetu njema sana zitakapotimia!



129

Miaka kadhaa iliyopita, mashua iliyokuwa ikisafirisha kondoo ilipotea kwenye ukungu katika Bahari ya Kaskazini. Mashua iliambaa ambaa bila mwelekeo kwa muda wa siku tatu. Kondoo waliokuwemo wakakataa kula majani yaliyokaushwa. Walikimbilia upande mmoja na kuanza kulia. Wakaendelea baa baaa baaaaa baa. Nahodha na mabaharia walishangaa sana. Walijiuliza kwanini? Mara ukungu ukatoweka. Mashua ilikuwa yadi chache karibu ya pwani ya Scotland. Kondoo walikuwa wamepata harufu ya nyasi mbichi zilizokuwa zimekatwa vizuri na kuwekwa katika mashamba mazuri ya Scotland. Walikataa kula zile nyasi zenye umri wa siku kadhaa, nyasi kavu ambazo wenyewe walikuwa wamejaribu kuwalisha.



130

Tunapopata harufu ya mbinguni, tunarekebisha vipaumbele vyetu. Tupatapo harufu ya umilele, kila kitu hupangika mahali pake. Tunatamani nchi nyingine. Tunataka kuwa katika pwani ya umilele. Je, unatamani sana nyumbani mbinguni? Je, una tamani kuwa pale?

Je, ni tamaa ya moyo wako kuishi pamoja na Kristo katika utukufu milele? Je, ungelipenda kusema, Ndiyo, Bwana, ninataka kuwa pamoja nawe. Ninatamani kuwa pamoja nawe milele na milele na milele?



131

(Fungu: Ufunuo 22:17)
Mungu anakupatia mwaliko: Na Roho na Bibi-arusi wasema, 'Njoo!' Ufunuo 22:17.

25 - YALIYO BORA ZAIDI YANAKUJA!



132

Usiliweke pembeni!

Waweza kuwa sehemu ya kesho ya ajabu sana ya Mungu. Mkaribishe moyoni mwako na mbinguni patakuwa nyumbani kwako!

25 - YALIYO BORA ZAIDI YANAKUJA!